



## ILS CULMS DA MERDA

**Culms da merda èn a l'open air Lumnezia almain uschè preschents sco la bella culissa muntagnarda. En il suandant text na stat scrit nagut da nov u spectacular, ma igl è simplamain adina puspè necessari da far endament a la gliעד da betg bittar la merda per terra.**

La dumengia en damaun, cura che l' areal da l' Open Air Lumnezia sa svida plaunet, resta enavos massa merda. Plastic, pet, tendas, liongias, maila... vestgadira. Praticamain in martgà da plugs gratuit.

T'imagina: tia chasa senza in chana-ster da palpìri... hmm, i fiss impus-sibel da far cun il tschitschapulvra... – bittar tut or da fanestra fiss in solu-ziun, ma forsa betg a la lunga. Durmir la saira sut ina cuverta da merda, quai procurass segiramain per bels siemis.

Logic, bittar il palpìri per il plaun vi na fa nagin senn, definitivamain na. E tuttina è l'entir areal d'open air plain

merda. Pertge bittas ti tut per terra? È quai be, perquai che ti na stos betg prender si tez tia merda? Era sch'il «dräcksack» è be trais meters sper tai, laschas ti dar il magiel da biera vit giun plaun...!?

Igl è in summa ridicul ch'jau survegn mintga giada in nov magiel da plastic tar mia biera. Uschia sai jau per mintga biera era bittar in magiel giun plaun. Cunquai ch'il consum da biera è tenor exactas retschertgas dal team da PUNTS fitg aut, dat quai automaticamain ina massa merda.

Che mintga singul na sa betg dismet-ter sia atgna merda è tragic, trist ed inchapibel, dentant in fenomen da nossa societad.

Ma tge fan ils organisaturs da l'Open Air Lumnezia cunter la problematica dal rument? I dat differentas pus-saivladads dad almain reducir la merda: in deposit sin il satg da rument, deposits sin magiels, tagliers e pusada da plastic. Anc bler megiler fiss vaschella cumpostabla. Natiralmain

èsi tragic da stuair pretender daners per merda, ma quai ha tuttina differentes avantatgs. Jau return per exempel mes magiel biera u al lasch directamain emplenir da nov. Autras personas sco han la pussaivladad da perfin gudagnar raps a l'open air cun rimnar merda.

Tals sistems pon ins quasi observar a mintga open air. Pertge betg en Lum-nezia? L'open air bain enconuscent per la bella vista natirala e l'atmosfera famigliara e ... la merda per terra! Quai è bain ina cuntradizìun, ina buna vista sin in culm da merda.

dad Annatina Dermont